

INUIT ATAQATIGIIT

Inatsisartuni



6.juli 2018

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquteqaateqarpunga.

Naalakkersuisunut apeqquteqaatit:

- 1. Naalakkersuisunit ilisimatitsissutigeqquneqarpoq, § 45 a-mi aningaasanut killigititaasoq taaneqartoq ullumikkut qanoq-innersoq, tassa imaappoq atuisartunut akigititat allattorsimaffianni allannguutaasunut naapertuutsillugu.**
- 2. Naalakkersuisut qinnuigineqarput , aningaasanut killigititaasoq qanorpiaq aqunneqartarnersoq, tamatumunngalu ilaatigut ilanngullugu, § 45 a-mi killigititaasumit naleqarnerusunik inuk aatsitassanik katersisimanersoq pisortat qanorpiaq ilisimasaqalersarnerlutillu nakkutiginnittarnersut naatsumik nassuaatigeqqullugu.**
- 3. § 45 a naapertorlugu najugavissut katersuillutillu paaasinnaatitaanerannut aningaasanut killiussaasoq atorunnaarsinneqartuuppat/peerneqarnertuuppat, Naalakkersuisut naliliinerat malillugu kingunerisinnaasai suussagaluarpat?**
- 4. § 45 a naapertorlugu aningaasanut killiliussaasup peerneqarneratigut, Nunatta Karsianut/Landskarsimut, inuussutissarsiortunut inuttaasunullu pitsaanngitsumik/(pitsaasumik) kinguneqassasoq Naalakkersuisut nalilerpat?**
- 5. Aningaasanut killiliussaasup peerneqarneratigut allaffissornikkut aningaasartuuteqarnerulerneq, imaluunniit aningaasanut killiliussaasup peerneqarneratigut allaffissornikkut oqilisaassineq nassatarissanerai Naalakkersuisut nalilerpat?**

(Inatsisartuni ilaasortaq Peter Olsen, Inuit Ataqatigiit)

Tunggavilersuutit:

Aningaasat killiliussaasut taaneqartut naleqquttuussusaasa nalilersorneqarnissaat siunertaralugu, apeqqutit apeqqutigineqarput.

Aatsitassanut inatsisip 2012-imi allanngortinneqarneratigut § 45 a ikkunneqarpoq. Aalajangersakkami allassimavoq, najugaqavissoq (tak. § 45, imm. 1) ukiumut 100.000 kr.-t sinnernagit aatsitassat tamakkiisumik nalingat annertunerunnigippat aatsitassanik kaanngarnikunik aamma aatsitassanik paaanermik inuussutissarsiutigalugu katersuisinnaavoq.

§ 45 a-mut oqaaseqaatini nalinginnaasuni takuneqarsinnaavoq, najukkani katersisartunit kissaateqartoqarnera tunngavigalugu aalajangersagaq ilanngunneqarsimasoq, aammattaaq allassimavoq, aki 100.000 kr-niusoq Kalaallit Nunaanni atuisartunut akigititat allattorsimaffianni allannguutaasunut naapertuutsillugu ukiumoortumik iluarsineqartassasoq.

Qinnutigissavara apeqquteqaatima ullut suliffiusut qulit iluanni akineqarumaartut.